



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE**

Broj: \_\_\_\_\_.

Datum: \_\_\_\_\_.

**PRIJEDLOG**

Na osnovu člana 14. stav 4. Zakona o eksproprijaciji ("Službene novine FBiH", broj: 70/07 i 36/10) i člana 14. stav 4. Statuta općine Tešanj ("Službeni glasnik Općine Tešanj", broj: 11/07), rješavajući po prijedlogu Općinskog pravobranilaštva Općine Tešanj, za utvrđivanje javnog interesa u cilju izgradnje novog rezervoara i pumpne stanice, Općinsko vijeće Općine Tešanj, na redovnoj sjednici održanoj, dana, \_\_\_\_\_ 2020.godine, d o n o s i

## **O D L U K U**

**1. UTVRĐUJE SE DA JE OD JAVNOG INTERESA** izgradnja novog rezervoara i pumpne stanice vodovoda Lepenica, pa se radi izgradnje rezervoara i pumpne stanice može pristupiti potpunoj i dijelom nepotpunoj eksproprijaciji parcela utvrđenih Glavnim projektom urađenim od strane "CONING ag" doo Maglaj.


**2.** Utvrđuje se da je Općina Tešanj korisnik eksproprijacije parcela koje će biti označene u rješenju koje donese nadležna Služba u postupku rješavanja imovinsko pravnih odnosa.

**3.** Sastavni dio ove Odluke je grafički prikaz parcela za izgradnju rezervoara i pumpne stanice iz tačke 1. ove Odluke.

**4.** Protiv ove Odluke može se pokrenuti upravni spor podnošenjem tužbe Kantonalnom sudu u Zenici u roku od 30 dana računajući od dana prijema ove Odluke. Tužba se podnosi neposredno sudu.

**PREDSJEDAVAJUĆI  
OPĆINSKOG VIJEĆA:**

\_\_\_\_\_  
**SENAD Subašić, dipl.ecc**



Rezervoar 2 x 100m <sup>3</sup>	
Kt (Kota terena)	347,90 mnv
H vode u Rez.	3,00 m
Kdcu	349,85 mnv
Kp	349,75 mnv
Kdr	346,70 mnv

**SITUACIJA REZERVOARA V= 2x100 m<sup>3</sup>  
VARIJANTA II  
MJ=1:250**

**LEGENDA:**

- Potisni vod- dovod u R2x100m<sup>3</sup>
- Odvod distributivni gravitacijski vodi
- Glavni potisni vod sa PS prema visokoj zoni
- Hidro stanica visoke zone
- Preliv i odmuljivanje
- Ograda i kapija oko rezervoara V= 2x100 m<sup>3</sup>
- Rezervoar V=2x100 m<sup>3</sup>

<b>CONING ag</b> <small>POSREDOVANJE U PROMETU NEKRETNIM I PROMETNO PRAVNIM VEŠTAČENJE</small>	VOĐELI PROJEKTANT	Mlad Alispahić dipl.ing.grad.	
	PROJEKTANT	Jasno Obradović dipl.ing.grad.	
INVESTITOR	Općina Tešanj	NAZIV CRTEŽA	
PROJEKAT	Rekonstrukcija visoke zone vodovoda Lepenica sa izgradnjom novog rezervoara i pumpe stanice	<b>SITUACIJA REZERVOARA V= 2x100 m<sup>3</sup></b>	
LOKACIJA	MZ Lepenica, općina Tešanj	Maglaj, mart, april 2020.	M 1:250
FAZA PROJEKTA	Hidro - Glavni projekat	Šifra projekta: 03-OT-GP/20	No: 05

## OBRAZLOŽENJE

### PRAVNI OSNOV:

Član 14. stav 4. Zakona o eksproprijaciji ("Službene novine FBiH"; broj: 70/07 i 36/10) i član 14. Statuta općine Tešanj ("Službeni glasnik Općine Tešanj", broj: 11/07).

Član 14. stav 4. Zakona o eksproprijaciji propisano je da Odluku o utvrđivanju javnog interesa za izgradnju objekta ili izvođenje radova na području općine donosi općinsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja.

### RAZLOZI DONOŠENJA:

Za potrebe vodosnabdijevanja naselja Kraševo, Lepenica i Mravići, 1986.godine u naselju Kraševo, na desnoj obali rijeke Usora, formirano je izvorište. U to vrijeme vodovod je projektovan za planski period do 2005.godine, s tim da tada nije adekvatno riješeno pitanje vodosnabdijevanja potrošača treće visinske zone tj. snabdijevanje potrošača iz rezervoara R3.

Budući da je od tog perioda za kada je projektovan planski period prošao duži vremenski period, da je od tog perioda porastao broj potrošača, pokrenut je postupak sa ciljem iznalaženja rješenja za izgradnju novog rezervoara, pumpne stanice, dogradnje i rekonstrukcije vodovodne mreže kojom bi se adekvatno riješilo vodosnabdjevanje naseljenog mjesta Lepenica u trećoj visinskoj zoni i njenim podzonama.

Analizama, ispitivanjima i poduzimanjem drugih aktivnosti u cilju rješavanja tzv. vodosnabdjevanja naseljenog mjesta Lepenica, urađen je Glavni projekat od strane "CONING ag" doo Maglaj.

Shodno Glavnom projektu, kod Službe za katastar, urbanizam i imovinsko pravne- poslove, od strane Općinskog pravobranilaštva Općine Tešanj podnesen je prijedlog za utvrđivanje javnog interesa u cilju izgradnje novog rezervoara i pumpne stanice vodovoda Lepenice.

Kako je za Općinu Tešanj od velikog značaja ovakav projekat, to se u smislu naprijed izloženog, predlaže Općinskom Vijeću kao nadležnom tijelu, da usvoji prijedlog ove Odluke kojim se utvrđuje da je od javnog interesa izgradnja novog rezervoara i pumpne stanice vodovoda Lepenica i da se može pokrenuti postupak potpune i nepotpune eksproprijacije u korist korisnika eksproprijacije Općine Tešanj.

### OBRADIVAČ:

Služba za katastar, urbanizam i imovinsko- pravne  
poslove  
POMOĆNIK OPĆINSKOG NAČELNIKA

NADIR Medarić, dipl. ing. geodezije

PREDLAGAČ:  
OPĆINSKI NAČELNIK:  
OPĆINE TEŠANJ

Mr. sci. SUAD Huskić

Broj: 02-27-1-2124-11/20

Dana, 26.05.2020.godine